

Arkivnr: 2016/34799-1

Saksbehandlar: Signe Sætre

**Saksframlegg****Saksgang**

Utval	Saknr.	Møtedato
Yrkesopplæringsnemnda		03.01.2017
Utval for opplæring og helse		10.01.2017
Fylkesutvalet		26.01.2017

**Forslag til nye honorarsatsar for medlemmer i prøvenemnd****Samandrag**

Fylkesutdanningssjefenes kontaktutval (FFU) har tilrådd retningslinjer for samarbeid mellom fylkeskommunane der dei går inn for felles satsar for honorar til prøvenemndsmedlemmer. Andre fylke har følgd tilrådinga og har innført dei nye satsane frå 01.03.16.

Dei nye satsane utgjer eit tillegg på kr. 500 pr. prøvenemndsmedlem pr. prøve. I tillegg foreslår vi eit administrasjonshonorar til koordinator for prøvenemnda på kr. 100 pr. prøve. Totalt vil dette medføre ca. 2.9 mill. kr. i auka utgifter til honorar dersom talet på prøver ligg om lag på same nivå som i dag (ca. 3100 prøver).

**Forslag til vedtak**

Dei tilrådde satsane frå fylkesutdanningssjefenes kontaktutval og administrasjonstillegg på kr. 100 pr. prøve blir innført med verknad frå 01.01.17. Endring i satsar blir dekt av opplæring sitt budsjett.

Rune Haugsdal  
fylkesrådmann

Svein Heggheim  
fylkesdirektør opplæring

*Saksframlegget er godkjent elektronisk og har derfor inga underskrift.*

**Fylkesrådmannen, 07.12.2016****Bakgrunn**

Honorarsatsane har vore uendra lenge; for medlem i prøvenemnd sidan 2007, og for leiar av prøvenemnd sidan 2013. Arbeidet i prøvenemndene har blitt meir tidkrevjande enn før på grunn av dei omfattande dokumentasjonskrava som kom i samband med Kunnskapsløftet, og som det stadig er større fokus på. For at prøvenemndsmedlemmene skal få eit honorar som er i samsvar med det omfattande arbeidet, er det naudsynt å justere satsane.

Kontaktutvalet for fylkesutdanningssjefane kom 26.02.16 med retningslinjer for samarbeid mellom fylkeskommunane der dei rår til felles satsar for fylkeskommunane. Andre fylke (t.d. Rogaland) har innført dei nye satsane frå 01.03.16. Hordaland har eit utstrakt samarbeid mellom fylka i Sør-Vest når det gjeld bruk av prøvenemnder, og det er uheldig at honorarsatsane ikkje ligg på same nivå. Dei nye satsane skal vere gjeldande til neste revisjon hausten 2019.

**Satsar pr. oktober 2016**Honorar

Leiar av prøvenemnda	kr. 1 500 pr. prøve
Medlem av prøvenemnda	kr. 1 000 pr. prøve

**Nye satsar tilrådd av FFU**Honorar

Leiar av prøvenemnda	kr. 2 000 pr. prøve
Medlem av prøvenemnda	kr. 1 500 pr. prøve

**Forslag til nye satsar i Hordaland fylkeskommune**

Vi ser at det er viktig å skilje mellom administrativ leiing av prøvenemnda og leiing av kvar einskild fagprøve, og vil innføre omgrepet «koordinator» for den administrative leiinga av prøvenemnda. Koordinator er Fagopplæringskontoret, kontaktpersonen for medlemmene i prøvenemnda og den som administrerer aktiviteten i nemnda. Leiar av prøvenemnda er den som har ansvaret for å administrere og gjennomføre den einskilde prøve.

Honorar

Leiar av prøvenemnda	kr. 2 000 pr. prøve
Medlem av prøvenemnda	kr. 1 500 pr. prøve

For koordinator i prøvenemnda blir det i tillegg utbetalt eit administrasjonshonorar på kr. 100 pr. prøve. Dette kjem i tillegg til vanleg honorar og gjeld for koordinator i alle nemnder. Planlegging og administrasjon av sjølve prøva er inkludert i leiarhonoraret.

Med innføring av nye satsar vil samla utgifter til honorar for prøvenemndsmedlemmer auke med ca. 2.9 mill. dersom talet på prøver ligg omtrent på same nivå som i dag.

<b>Faktiske krav for 2015 og 2016</b>	<b>År 2015</b>		<b>År 2016 (1.1.-10.10)</b>	
Honorar leiar	kr.	4 378 500	kr.	3 370 500
Honorar medlem	kr.	3 129 000	kr.	2 521 000
Honorar administrasjon	kr.	204 000	kr.	222 000
<b>Totalsum honorar</b>	kr.	<b>7 711 500</b>	kr.	<b>6 113 500</b>

I 2016 er det tatt kr. 500 for administrasjonshonorar pr prøve ofte i tillegg til fullt leiar- og medlemshonorar.

<b>Venta krav for 2016/2017</b>	<b>År 2016 (tenkt fullt år)</b>		<b>Med ny sats 2017</b>	<b>Diff. frå 2016 til 2017</b>		
Honorar leiar	kr.	4 650 000	kr.	6 200 000	kr.	1 550 000
Honorar medlem	kr.	3 100 000	kr.	4 650 000	kr.	1 550 000
Honorar administrasjon	kr.	500 000	kr.	310 000	kr.	-190 000
<b>Totalsum honorar</b>	kr.	<b>8 250 000</b>	kr.	<b>11 160 000</b>	kr.	<b>2 910 000</b>

**Venta auke av honorar ved innføring av FFU si anbefaling og administrasjonshonoraret på kr. 100 blir kr. 2 910 000 frå 2016 til 2017.**